



COMUNE DE ROMANA

ÀREA SÒTZIU CULTURALE

DETERMINAZIONE N. 161 de su 30/12/2022

PROPOSTA N. 578 de su 30/12/2022

OGETU: AFIDAMENTU DE GESTIONE DE SA BIBLIOTECA COMUNALE DENUMENADA PAOLO DETTORI PRO UN'ANNU A FAVORE DE S'ASSÒTZIU ÀNDALA NOA. CÒDIGHE CIG Z063715C11

SU RESPONSÀBILE DE SU SERVÌTZIU

Bidu:

- s'Istatutu in vigèntzia in su Comune de Romana;
- su Bilàntziu de Previsione aprovalu cun deliberatzione consiliare n. 11 de su 03/03/2022;
- su Documentu Ùnicu de Programmatzione semplificadu aprovalu cun deliberatzione consiliare n. 10 de su 03/03/2022;

BIDA sa Lege 7 de austu de su 1990, n. 241 e mudaduras e integratziones imbenientes, chi cuntinet sas Normas noas de protzedimentu amministrativu e de deretu de atzessu a sos documentos amministrativos;

BIDU su D.Lgs. 18 de austu de su 2000, n. 267 e mudaduras e integratziones imbenientes, chi cuntinet su "Testu ùnicu de sas leges subra de s'ordinamentu de sos entes locales";

BIDU su D.Lgs. 23 de làmpadas de su 2011, n. 118 e mudaduras e integratziones, chi cuntinet "Dispositziones in matèria de armonizatzione de sos sistemas contàbiles e de sos ischemas de bilàntziu de sas Regiones, de sos entes locales e de sos organismos issoro";

BIDU s'art. 3 de sa Lege 13 de austu de su 2010, n. 136 chi cuntinet dispositziones in matèria de individuabilidade de sos flussos finatziàrios;

Consideradu chi bisòngiat inghitzare una protzedura pro individuare un'operadore econòmicu pro l'afidare su servìtziu de biblioteca pro un'annu;

Bidu su decretu lege n. 76 de su 16.07.2020 chi cuntinet *mesuras urgentes pro sa semplificatzione e s'annoadura digitale*, mudadu cun modificatziones dae sa lege n. 120 de su 11.09.2020;

Recramada sa determinazione pròpia n. 157 de su 30.12.2022 chi at pro ogetu: "Detèrmina a contrarre pro s'afidamentu de gestione de sa Biblioteca Comunale denumenada "Paolo Dettori";

Bidu su verbale ingendradu dae su portale Sardegna CAT rfi_8460 e 8468 de su 30.12.2022, chi s'allegat a sa presente determinatzione pro nde fàghere parte integrante e sustanziale, dae sa cale si cumprendet chi su servìtziu est istadu afidadu cunforma a sas modalidades chi s'ghint:

Descrizione	Còdighe fiscale e Partida iva	Importu ofertu
Assòtziu culturale Àndala Noa Carrera Padre Lanzani, 4 07040 Boruta (SS)	Còdice Fiscale 92122860908 Partida iva 02671280903	Minimadura de su 0,65 % chi currispondet a € 15150 iva includa

Reconnotu chi, cunforma a s'art. 1, comma 4 de su D.L. n. 76/2020 mudadu in Lege n. 120/2020¹, custa amministrazione at ritènnidu de *non pedire* sa garàntzia provisòria de sa cale a s'art. 93 de su D.Lgs. n. 50/2016 che pare a su 10% de s'importu de su cuntratu;

Ritènnidu de perfetzionare s'impinnu de ispesa subra de sos capìtulos apòsitos subra de sos capìtulos denumenados "Gestione Comunale" pro € 15150,00 a intro de su bilàntziu 2022/2024, in su respetu de sas normas e de sos printzìpios contàbiles de sos cales a su D.Lgs. n. 118/2011, de su D.P.C.M. 28/12/2011 e de su D.Lgs. n. 126/2014;

Consideradu chi custa detèrmina de agiudicatzione est luego eficatze e esecutiva cunforma a s'art. 32, comma 7, de su D.lgs. n. 50/2016;

Averiguada in fines sa regularidade, legitimidade e curretesa amministrativa-contàbile de totu su protzedimentu e de custu provedimentu cunforma a s'art. 147 bis, comma 1, de su D.Lgs. n. 267/2000, sos parres a favore de sos cales sunt espressados paris cun sa sutascritzione de custu provedimentu dae parte de sos Responsàbiles cumpetentes;

Premìtidu e cunsideradu totu custu;

Reconnotu chi, cunforma a s'art.6-bis de sa Lege n. 241/1990 e de s'art. 42 de su d.lgs. n. 50/2016, in relata a su contenutu de custu provedimentu, non b'at resone de cuntierra o interessu;

DETERMINAT

- 1) Pro cantu in premissa, de leare a cunsideru comente parte integrante de custa determinatzione;
- 2) approvare sos atos de gara ingendrados dae su RUP redatzionadu e su verbale rfi

9460/8468 ingendradu dae su sistema Sardegna CAT allegadu a custu atu;

- 3) de affidare su servìtziu de su cale in ogetu, pro su preju prus bàsciu cunforma a s'art 36, comma 9 bis de su D.Lgs. n. 50/2016, pro sos motivos indicados in premissa, a sa dita Assòtziu culturale Àndala Noa Carrera Padre Lanzani, 4 07040 Boruta (SS) Còdighe Fiscale 92122860908 Partida iva 02671280903, pro sa tzifra cumplessiva de € 15150,00 iva chi includit sas tassas e atzessòrios (aende aplicadu sa minimadura de su 0,65% cunforma a s'importu postu a base de gara) ca resurtat èssere congruu cunforma a sas netzessidades e a sos obietivos de custa amministrazione, a sas caraterìsticas de su servìtziu in ogetu e a su preju;
- 1) chi sas clausolas negoziales essentziales sunt càbidas in sa Rechesta de Oferta e allegados;
- 2) de impinniare s'ìspesa cumplessiva de € 15150,00 IVA includida, in sos capìtulos de bilàntziu chi s'ìghint 2022/2024, in su respetu de sas normas e de sos printzìpios contàbiles de sos cales a su D.Lgs. n. 118/2011, de su D.P.C.M. 28/12/2011 e de su D.Lgs. n. 126/2014, comente indicadu a s'ìghire:

Importu	Missione	Programma	Tìtulu	Codifica bilàntziu	Capìtulu	Bilàntziu
€ 15150	I	1	I	1.03.02.1 5.999	5114/1	2022/20 24

- 3) de reconnòschere chi su CIG est su chi s'ìghit: **Z063715C11**;**
- 4) **chi** sa dita mentovada in subra resurtat regolare pro su D.U.R.C. comente resurtat dae Documentu Ùnicu de Regularidade Contributiva On Line apòsitu (protocollu documentu n. INPS_ 35438462) rechestu in data 09/11/2022 cun iscadèntzia regolare previdida pro su 09/03/2023;
- 5) chi su pagamentu b'at a èssere, fatu chi siat s'atzertamentu de s'averiguamentu de *s'acumprida regolare* valutadu dae su responsàbile ùnicu de su protzedimentu, cunforma a s'art. 102, comma 2, de su D. Lgs. n. 50/2016, subra de presentazione de faturas controlladas e VISADAS IN Òrdine a sa regularidade e rispondèntzia formale e fiscale, cunforma a s'art.184 de su D.lgs. n. 267/2000.
- 6) De reconnòschere chi custu atu est eficatze e esecutivu a manera dereta cunforma a s'art. 32, comma 7, de su D.Lgs. 50/2016;
- 7) chi su cuntratu at a èssere istipuladu cunforma a s'art. 32 de su D.Lgs. n. 50/2016, bastat chi siant fatos sos acumprimentos netzessàrios a custu, cun sa posta cunforma a s'usu de su cummèrtziu chi cunsistet in *un'iscàmbiu apòsitu de lìteras*, puru pro mèdiu
REGISTRU GENERALE DETERMINAZIONES Atu N.ru 440 de su 30/12/2022

- de posta eletrònica tzertificada o trastes anàlogos;
- 8) chi su RUP in sa pessone de Antonella Contini de crarat cunforma a s'art. 6 bis de sa Lege n. 241/1990 e 42 de su D.Lgs. n. 50/2016, de no èssere in situatzione de cuntierra de interessos, mancu dàbile, cun custu apaltu e su sugetu chi si l'at agiudicadu.
- 9) Cunforma a s'art. 8 comma 1, lit. a), de su D.L. n. 76/2020, mudadu in Lege n. 120/2020 de autorizare sa cunsigna de su servìtziu a manera urgente, a norma de s'art. 32, comma 8 de su D.Lgs. 50/2016 ca est unu servìtziu indirizadu a sos minores in s'istiu e duncas est netzessàriu inghitzare in antis chi si podet sa fase de preparatzione de inetadura, prenare e fàghere sos tratamentos de mantenimentu pro s'abba cun produtos apòsitos pro piscina;
- 10)chi sos provvedimenti relativos a custa protzedura ant a èssere publicados, a fora de s'Albu pretòriu online, in su profilu internet de su Comune de Romana, in sa setzione "*Amministrazione trasparente*" cunforma a sos art. 23 e 37 de su D.Lgs. n. 33/2013 e de su D.Lgs. n. 50/2016.

VISTU DE REGULARIDADE TÈCNICA

Su Responsàbile de su Servìtziu cunforma a s'art. 147/bis de su TUEL 267/2000 e de s'art. 7 de su Regulamentu subra de sos controllos internos in òrdine a sa proposta **n.ru 578 de su 30/12/2022** espressat parre a **FAVORE**.

Vistu de regularidade tècnica firmadu a manera digitale dae su Responsàbile de su Servìtziu **DUT.RA CONTINI ANTONELLA** in data **30/12/2022**

VISTU DE REGULARIDADE CONTÀBILE

Su Responsàbile de su Servìtziu Finanziàriu, cunforma a su D.Lgs. 267/2000 art. 151 c. 4, in òrdine a sa regularidade contàbile de sa **Proposta n.ru 578 de su 30/12/2022** espressat parre: **A FAVORE**
S'atestat sa regularidade contàbile e sa cobertura finanziària de s'ispeza cunforma a s'art. 183, comma 7, de su D.Lgs. 18/08/2000 n. 267.

Datos contàbiles:

IMPINNOS

Annu	Tìtulu	Capìtulu	Artìcolu	Numeratzione	Progressivu	Importu
2022	1	5114	1	881	1	15.150,00

Vistu de Regularidade Contàbile firmadu a manera digitale dae su Responsàbile de su Servìtziu **CALARESU CARMELA** su **30/12/2022**.

NOTA DE PUBLICATZIONE N. 7

Su 04/01/2023 est publicada in s'Albu Pretòriu OnLine sa Determinatzione N.ru **440 de su 30/12/2022** cun ogetu **AFIDAMENTU DE GESTIONE DE SA BIBLIOTECA COMUNALE DENUMENADA PAOLO DETTORI PRO UN'ANNU A FAVORE DE S'ASSÒTZIU ÀNDALA NOA. CÒDIGHE CIG Z063715C11**

e b'at a barrare afissada pro 15 dies cunforma a s'art. 124 de su T.U. 267/2000.

Esecutiva cunforma a sas dispositziones de lege in vigèntzia.

Nota de publicatzione firmada a manera digitale dae sa **D.RA CONTINI ANTONELLA** su **04/01/2023**